

21  
J. N. S. S. T.  
DE  
RETENTIONE ACTORUM

ADVOCATO OB SALARIUM NON SOLUTUM  
COMPETENTE,

INDULTU MAGNIFICI ICTORUM  
ORDINIS



D. JO. FRID. TROPFANNER, PP.  
EXTRAORD.

ET

SIGISMUNDUS GOTTLIEB HILLIGER  
PUBLICE DISPUTABUNT

H. L. Q. C.


*D. III. April. MDCCX.*

---

LIPSIAE,  
LITERIS JOH. CASP. MULLERI

*Jo. Fried. Troppann*  
*Sigismundus Gottlieb Hilliger*





## Conspectus Dissertationis.

- §. 1. *Promittit terminorum in Rubrica praemissorum explicationem.*
- §. 2. *Retentionem describit.*
- §. 3. *Actorum significationem exponit.*
- §. 4. *Salarium definitur & quomodo differat a mercede, ostenditur.*
- §. 5. *Advocati definitionem sistit.*
- §. 6. *Rubrica Paraphrasin exhibet.*
- §. 7. *Priscis moribus nulla concedebantur Salaria Advocatis propter legem Cinciam.*
- §. 8. *Postea tamen Lex Cincia limitata est.*
- §. 9. *Salarium Advocati petitur actione extraordinaria, si nudo pacto fuerit promissum.*
- §. 10. *Conditio ex L. un. C. d. suffragio ad Advocatos applicari non potest.*
- §. 11. *Actionem mandati non habet Advocatus.*
- §. 12. *Actione praescriptis verbis salarium consequitur Advocatus.*
- §. 13. *Per Executores, imo adhibita personali detentione exigitur Honorarium Advocati.*
- §. 14. *Acta quoque & Documenta ad consequendum suum salarium retinere potest Advocatus.*

§. 15. *Varia leges rationesque in rem nostram adducuntur cum pra-judicio.*

§. 16. *Instituitur argumentum a minori ad majus.*

§. 17. *Retentioni leges magis fiunt quam persecutioni.*

§. 18. *Ratio ex l. 59. ff. de furtis desumitur.*

§. 19. *Æli, qui nobis assensum suum præbent, adducuntur.*

§. 20. *Hæc retentio etiam in Documentis & in pecunia ad Clientem spectante valet, & ad hæredes extenditur.*

§. 21. *Clientis nihilominus ad salarium solvendum adstringitur, si Aëla re-tenta apud Advocatum casu perierint.*

§. 22. *In causa communi retinet aëla socius.*

§. 23. *In Salario nondum liquido locum habet retentio.*

§. 24. *Jus retentionis cessat, (1) reali solutione oblata (2) in causa propria sub Limit. (3) si gratis postulat (4) in concursu creditorum.*

§. 25. *Non cessat in Aëlis publicis semper.*

§. 26. *Sed (6) in Palmario.*

§. 27. *Qui de quota litis paciscuntur aëtorum retentione non fruuntur.*

§. 28. *Quaritur, quo tempore hæc retentio admittenda videatur.*

§. 29. *Nulla hujus retentionis efficacia, si pauper est clientis & tempus exactionis præscriptum.*

§. 30. 31. 32. *Textus contrarii adducuntur & ad eos respondetur.*

§. 33. *Conclusio.*



§. I.



Ulo eo facilius appareat, quæ de re in præfenti verba facturi sumus, consultius omnino putamus fore, si voces Rubricæ præmissas, quantum scopo nostro inservit, paucissimis enucleemus; Merito hinc progredimur ad Retentionem, primum nostræ dissertationis vocabulum.

§. II.

Retentionem autem nihi aliud & hoc loco dici poterit, quam remedium legitimum, quo creditor res debitoris vel illi debitas apud se sine vitio existentes, propria autoritate tamdiu retinet, usque dum ipsi respectu debiti plenissime Satisfiat, *Lauterb. in Diss. Tub. Vol. 3. de Retent. §. 2. in Fin. Conf. eleg. tr. Ludeking. de jure ret. Rinth. 1698. p. 5. Col. de Proc. Execut. p. l. c. 2. n. 184.*

§. III.

Retentionem excipiunt Acta, quæ autoritate judiciali ad indubitatam memoriam apud Magistratum describuntur *vid. l. 45. 46. ff. de re judicata.* & generaliter eorum nomine veniunt omnia, quæ fiunt in judicio. *Doring Bibl. Flor sub voce Acta. n. 10. Ruland. de Commiss. p. 2. L. 5. c. 6. in-*

æque hæc publica appellantur ad differentiam privatorum, & sunt talia vel ratione objecti s. materiæ, uti libri, qui publicæ civitatis Acta complectuntur & in quibus scribebantur olim res gestæ Principis aut Populi & leges, vel ratione loci, in quo securitatis & memoriæ causa asservantur, cujus intuitu & Acta hæc judicialia licet privatum interesse partium contineant, tamen publica vocantur; vel ratione personarum, tanquam a causa efficiente apud quas conficiuntur, uti sunt Judices, Actuarii & Notarii, quæ secunda significatio, cum qua posterior coincidit, ad nos proprie spectat, & ex sequentibus apparebit, quatenus ejusmodi Actorum publicorum retentio, quo & Documenta retuleris, & alias scripturas authenticas, Actis quasi incorporatas in jure permissa sit, eoque facilius deinde, quid circa Acta privata & extrajudicialia obrineat, dijudicari poterit, quæ Advocati aliquando ad sui notitiam privatim sibi solent colligere. Conferri alias potest de usu hujus nominis *Hahn ad VVesemb. Tit. ff. de Adopt. n. 5. Verb. Act: Publica. Cic. l. 1. & 2. Philipp. Plin. L. 5. Epist. 14.*

#### S. IV.

Per salarium quod quoque honorarium l. 5. C. d. postulat. non tamen proprie merces vocatur, intelligimus hic compensationem aliquam ac remunerationem honoris ac beneficii causa Patrono causarum debitam pro consilio & labore ob litem Clientis adhibito *vid. l. 1. ff. si mensor fals. mod. dix. l. 7. & 56. d. 3. ff. mandati l. 17. C. cod. l. 4. §. fin. ff. d. Decret. ab ord. faciend. Bardil. d. salar. c. 2. §. 23. Conf. Gothofr. d. Sal. c. 1 Th. 3.* Differunt autem a se invicem in eo, quod scilicet honorarium & salarium honestioribus & nobiliorem operam navantibus, puta ob liberalem artem vel etiam ob officium publicum, remunerationis causa rependatur, merces vero, pro exæquatione & compensatione operæ constituatur, induatve Locationis naturam

naturam ac Mechanicis & quæstuariam vel sellulariam artem exercentibus solvatur *cit. cap. §. 5. & 6.* Hinc Advocati industria, operis non locari solitis accensetur, & dum animo potius quam corpore consistit, ob dignitatem suam mercedem respuit. *Bachov. ad Treutl. Vol. 1. Disp. 29. Th. 2. Struv. Exercit. 24. th. 4. l. 9. C. d. Profess. & Med.*

#### §. V.

Advocatus tandem, qui interdum Patronus & quasi pater auditur *Dn. Stryck de Conscient. Advocat. c. 2. n. 1.* ille nobis vocatur, quem *l. 1. §. 11. ff. d. extr. cogn.* eleganter sistit, quod omnem scilicet eo nomine accipere debeamus omnino, qui causis agendis quoquo studio operetur, vel qui juxta *l. 1. §. 2. ff. de postul.* desiderium amici sui in jure apud eum, qui jurisdictioni præstet, exponit, vel alterius desiderio contradicit. *Conf. Dn. Stryck. in Disp. de Consc. Adv. Vol. 2. Disp. 13.* Cæterum describi queunt, quod sint, Viri conscientiosi, qui partibus litigantibus ope & consilio adsunt, jus suppeditant, ac causam rite & legitime deducendo ac proponendo patrocinium præstant *l. 6. §. 1. C. de Postul. l. 11. §. 1. C. d. Adv. 1. Lauterb. diff. Tub. V. 1. d. 21. d. palm. Adv.*

#### §. VI.

Expositis proinde potissimis nostræ dissertationis terminis, quilibet eo promptius dijudicare poterit, nos eam examinare velle quæstionem, An nempe Advocatus pro non soluto sibi salario, quod ipsi a Cliente suo ob studia in litem ejus collata debetur (licet non promissum) tam Acta judicialia, quam extrajudicialia tamdiu juste apud se retinere possit, donec vel solutio subsequatur, vel aliunde satisfactio præstetur.

## §. VII.

Priscis quidem temporibus inutilem fuisse hanc quaestionem, nemo non, qui paululum solummodo scrutatus est Romanorum antiquitates, ultro profitebitur. *v. Cic. l. 2. Officior.* Cum etenim Romæ Advocationis officium, quod alias laudabile vitæque hominum necessarium in *l. 4. pr. C. d. Adv. 2.* enunciatur, sæpiusculè venale extitisset teste *Heraldo ad Terentull. Apol. c. 2.* introductum exinde Lege Cincia & Sctis, ut etiam gratis aliquamdiu causas orare juberentur Advocati. Qua de re insigne extat apud Tacitum *l. 11. c. 5. Annal.* Testimonium. *Consurgunt Patres (ait) legemque Cinciam flagitant, qua capetur antiquitus, ne quis ob causam orandam pecuniam donumve acciperet & in l. 14. annal. Ejus opprimendi gratia repetitum credebatur Sctum, pœnaque legis Cinciae adversus eos, qui pretio causas oravissent Conf. Cic. l. 1. ad Attic. & de senectute passim. Hartung diss. de act. adv. & Client. adv. se invicem, compet: Augustum postea retulisse hanc legem & firmasse novo Scto addita pœna quadrupli ait Dion Lib. 54. Καὶ τὸς ῥήτορας ἀμειψὲν συναγορεύειν ἢ τετραπλάσιον εἶναι ἀν λίσσῳ ὅκτινιν ἐκέλευσε. Conf. Quint. Lib. 12. c. 7. Inst. ubi pretia Advocatis concessa, pro more aliquo piratico habentur. Gothofr. l. c. c. 7. Th. 1. in Not.*

## §. VIII.

Paulo tamen post a rigore hujus observantiæ recessum, & ne cuiquam officium suum sit damnosum. *l. 7. Testam. quemadmodum aper. restrictive pronunciatum. Uti apparet ex l. 13. §. 9. C. de Judic. & l. 6. §. 3. C. de postul.* Justinianus enim eo ipso, quod Clientibus, qui dare possunt, honorarii præstationem imponit, divites a pauperibus sejungit. Alias ab Imperatoribus modus aliquis in petendo honorario impositus est; Sic Imperator Claudius capiendis pecuniis usque ad dena sestertia statuit modum, quæ



quæ egressi repetundarum tenebantur, ut est apud Tacitum in *Lib. 2. Annal.* Sic Nero scribente Svetonio in ejus vita c. 17. definivit, ut litigatores pro patrociniis certam justamque mercedem darent. *Conf. Brummerus ad L. Cinciam c. XI.* Porro ne inihiarent bonis alienis & ut froena improbitati forensi imponerentur, peractis demum negotiis constitutum erat, ut peterent honorarium, ita tamen ut decem millia, seu quod idem erat, centum aureos non excederet: non exclusum tamen judicis arbitrium simul erat, qui pro modo litis; Advocati facundia majorem quantitatem determinare poterat. l. 1. §. 12. ff. d. *Extr. Cogn. Gail. l. 1. Obs. 44. Carpz. p. 1. C. 31. def. 11. cui adhuc hodie consentit Ordin. Process. Sax. Tit. 36. §. Sumt dritten der Advocaten Belohnung* & causas criminales & arduas excipit *Trantac. L. 2. Tit. d. postul. resol. 1. n. 12. Gv. de Pap. Dec. 190. vid. Plin. Lib 5, Epist. ult. Godofr. l. c. & Brummer. ad L. Cinciam.*

## §. IX.

Cum igitur Imperatores salaria Advocatis, ut audivimus paulatim indulserint, non immerito quærimus, quibus medijs hi ad ea adipiscenda pervenire queant. Scilicet si promissio nudo pacto facta, petuntur actione extraordinaria seu imploratione officii judicis. l. 7. l. 56. §. pen. ff. *mand. l. 1. C. eod. Mer. p. 3. dec. 332. Hilliger ad Donnell. l. 18. c. 3. lit. b. h. b.* cujus petitionis formula apud Dn. Schvvendendörfferum in diss. de honorario Th. XV. exprimitur. Ubi quidem notandum quod hæc actio singulariter sit introducta contra communem regulam, qua alias cavetur ex pacto nudo actionem non nasci l. 7. §. 4. ff. *de pact. l. 27. C. d. Locat. Cond.* rationem addit Dn. Schvvendendörffer, quod lex favore eorum, qui sæpius aliorum gra-

ria multos subeunt sudores, specialiter hoc constituat, ut esset laboris exantlati præmium, alique ad hoc atque talia sponte ac ultro expedienda tanto facilius invitarentur.

#### §. X.

Existimant alias nonnulli, inter quos *Bartolus, Sahycetus, Mejer Coll. Jur. Argent. Tit. d. Cond. ex lege. §. 3.* Sinudo pacto salarium promissum sit, peti illud posse conditione ex *L. un. C. d. suffragio. Verum* contrarium rectius defendunt *Hillinger in Don. l. 18. c. 3. Lit. H, b. b. & post eum Brunnemannus ad d. l. un. vid. Tiraquellus de Nobilit. c. 29. n. 27. Pinellus ad l. 1. C. de bonis matern.* Etenim ibi per suffragia intelligenda veniunt commendationes aulicorum, qui desideria supplicantium, & quid ambientium sua suffragatione adjuvare solebant, his si quid promissum sit & supplicans id impetraverit, promissum peti posse conditione ex Lege negari nequit. Tutius vero asseritur dari actionem Advocato contra Clientem competentem, quæ vocatur conditio ex moribus seu consuetudine secundum *Carpz. P. 2. C. 19. d. 17. & c. 5. d. 22. Rittersb. d. diff. Jur. Civ. & Canon. L. 2. C. 1.*

#### §. XI.

Et quamvis etiam Actionem mandati contrariam Advocato applicare velint, obstat tamen 1.) huic sententiæ *a. l. 10. §. 1. d. Negot. gest.* & 2.) accurate rem considerando, Advocato ut tali ad salarium consequendum hæc actio mandati minime competere potest, nisi sit simul procurator. *Conf. Hunn. ad Treutl. V. 1. d. 9. qu. 4.* cui accedit, quod hæc actio ad consequendam indemnitatem detur *l. 15. & 20. §. 1. C. Mandat.* dum sum-

sumtus bona fide facti e. g. quod a proficiscente extra locum habitationis ultra salarium, in alimentationem & vecturam est impensum, per dictam actionem repetuntur. *Surd. d. aliment. l. 1. qu. 68. & l. 4. q. 8.* adeoque quod ad indemnitatem spectat ad solutionem honorarii tanquam ratione deficiente torqueri non potest.

## §. XII.

Præter antea nominatas, actionem quoque præscriptis verbis competere constat, quia subest negotium innominatum, puta facio ut des. Quoties enim de factis quæritur, quæ propter suam excellentiam non recipiunt mercedem; & tamen æquum sit pro opera aliquid præstari, tunc si non potest negotium ad certum aliquod reduci nomen, præscriptis verbis agendum est *l. 2. 4. ff. de Præscr. Verb. Dn. Schvvendendörffer Tb. XV. Diss. de Honor.* Simulque monet l. c. necesse hic esse, operas jam esse præstitas, quoniam fiat initium a præstatione facti, *arg. l. 1. §. 2. ff. de rerum permut.* alioquin enim ad promissi adimplentionem hac actione promissor conveniri nequireret, *Schvvend. l. c.*

## §. XIII.

Imo etiam tantum esse hujus salarii favorem Doctores asserunt, ut statim exigi posse existiment per Executores, si Clientes qui solvendo sunt, non solvant. *Döring. Bibl. Jur. & eousque progreditur Gothof. in Eleg. Tract. de Salar. c. 13. §. 18.* personali scil. detentione s. captura Clientem ad solvendum cogi posse, atque ad stabiliendam suam sententiam, adducit ea de re statutum Marchiæ sub rubr. *de Offic. Adv. c. 5. Lib. 2.* additque

si taxa hujusmodi facta fuisset salarii, vim haberet rei iudicatae & perinde esset, ac si debitor fuisset per sententiam condemnatus, & expresse solvere cogatur, neque fidejussor admittatur. *v. l. c.* Processum hinc plane summarium quoque esse & semiplenas sufficere probationes imo præsumptiones contendit *Stypmannus de salario Clericorum c. 13. n. 7. 9. 10.* addatur *Rebuff. in Comment. ad Constit. Gall. Tom. 1. Tract. d. sentent. provis. art. 3. gloss. 7. Dectus Constit. 20. in fin.*

#### §. XIV.

Cæteros modos, qui passim ab interpretibus juris exponuntur, merito omitimus, ne fortassis accessorii quaestionibus præsentem dissertationem cumulare velle videamur. Illud solummodo ostensuri sumus, quod jure quoque Acta & Documenta retinere queat Advocatus ob salarium denegatum, quod ipsi vel ex lege, vel ea deficiente, ex consuetudine alias debetur. *Vvesenb. ad Tit. d. Procur. Carpz. p. 2. C. 15. d. 13.* itaque ex rationibus sequentibus luculentius apparebit.

#### §. XV.

Prima autem dari poterit ratio quoniam labor operandi justam causam habet *l. 20. §. 4. ff. d. Cond. indebiti VVurmfs. Tit. 28. ob. 2. Garfias d. expensis & meliorat. & opera in re, æquiparatur impensis in rem factis. Coler. d. process. executivo. c. 2. p. 1. n. 148.* Hiuc cum notissimi juris sit, quod Advocatus ut & Procurator propter impensas acta retinere queat. *per l. 25. in fin. ff. de Procurat. l. 14. §. 1. ff. Com. div.* nullus in dubium vocabit idem jus statuendum esse propter operam s. studium in causa Clientis præstitum *a. l. 32. ff. ad L. Aquiliam.* maxime cum & Notarii

Notarii tamdiu Instrumentum a se confectum & Commissarii Rotulum retinere queant *sec. Ruland. d. Commiss. P. I. L. 7. c. 7.* Et has rationes quoque respexisse videtur amplissima Facultas Juridica Lipsi. an J. M. J. U. D. und Canon. des Stifts N. an. 1632. d. 3. Jul. quale responsum elegans exhibet *Finckelthaus. ob. 98. n. 45. sequentibus. P. P.* Obwohl sonst niemand in seiner eigenen Sache ihm rechtsprechen / und keiner eines andern Güter / wieder seinen des Herrn Willen haben und behalten kan. Dennoch aber und dieneil die jura retentionis nachgelassen / und nach bewährter Rechts-Lehrer Schluß / ein Advocat die Acta, urkunden und andere zur Rechtfertigung gehörige Sachen / seines Clienten / so er bey sich gehabt / so lange in ihnen behalten könne / bis ihm sein gebührendes Honorarium entrichtet worden / in dem seine angewandte Mühe und Arbeit eine billige rechtmäßige Ursache der retention ist / und sein Fleiß in der Rechtfertigung gleich geachtet werde / dem Verlag und Unkosten / so etwan dafelbst auffgewendet seyn mögen / so seynd ihr / als gewesener Advocat eures Clienten Acta in angeregter Criminal - Sache bey euch innen zu behalten wohl befugt. **V. R. W.**

#### §. XVI.

Quin imo si sartoribus ac sutoribus pro mercede jus retentionis competit, ita ut possint vestes & calceos retinere, etiam si materia sit aliena, donec ipsis satisfiat prout statuit *Baldus in L. ult. C. de Commod. n. 1. & Coler. d. processu executiv. p. 1. c. 2. n. 245.* nec non ad fabrum pro equo curato, cauponem & stabularium pro pretio hospitacionis jus hoc spectat, multo magis Advocatus, cujus salarii præstatio alias favorabilis. *Hering. de Fidej. c. 5. n. 373.* Acta, donec ipsi satisfiat, retinere poterit per

text. in *L. Colonus* 12. ff. de vi & vi armata. Accedit & hoc, quod jus illud retentionis exercere possint salarium prætendentes non aliter, ac creditor ob necessarias in pignus impensas ejus retentionem habet *l. 8. in pr. & §. f. d. pign. adf. & bonæ fidei possessor* ob impensas retentione uti potest. *l. 27. §. fin. l. 28. d. R. V. l. 11. C. mod. Petr. Müll. in. diss. de favore Sal. c. 3. Th. 1.*

## §. XVII.

Pro thesi nostra stabilienda huc porro pertinet, quod retentioni leges magis faveant quam persecutioni, cui enim jura dant actiones, eidem & exceptionem competere multo magis quis dixerit. *l. 156. §. 1. ff. d. R. I. Guntzel. ad h. t.* quod & jus Canonicum haud obscure, dum quemcunque ad agendum admittimus, illum multo magis ad excipiendum admittere debeamus, innuit *c. 71. d. R. I. in 610.* Cumque facilius sit possidenti retentio *l. 1. pr. ff. d. pignoribus*, eaque proveniat ex æquitate *l. 51. ff. de Cond. indebiti* præsertim si res alterius apud nos sine vitio constituta servetur, & in illa re aliquid operæ aut pecuniæ impensum *Mev. ad lus Lub. L. 3. Tit. 3. art. 15. Pruckm. Consil. 12. n. 313. Petr. Muller. diss. d. fav. Sal. c. 3. Th. 1.* quilibet intelliget quanta decisioni affirmativæ fides insit. His rationibus sine dubio moti Domini Scabini, a quibus, cum quæreretur, an hæredes Actuarii Acta judicialia donec de sportulis satisfactum, retinere possint, his verbis responderunt: Dierteil aber dennoch das Jus retentionis unter andern Denenjenigen zustehet/ welche an etwas Arbeit oder Unkosten verwendet haben / daß sie solches so lange biß sie desfalls ben befriediget an sich behalten mögen. Conf. Excellentissimus Dn. *Ridivinus Tit. 2. En. 14.* ex quibus elucet, hæredes quoque hoc jus retentionis valide exercere posse, & eo minus

minus ipsi Creditori denegandum, quo major ratio pro eo militat. Et quanquam hæc retentio Actorum judicialium Actuario propterea competere videatur, quia ipse persona judicialis, attamen adhuc hodie in quibusdam judiciis consuetudo in viridi est observantia, ut Acta ob expensas non solutas ab adversario per schedulam arrestatoriam & ablationem formalium retineri queant, hoc vero, si Advocato sunt adjudicata non parti, mutato eo, nullum effectum habere potest.

### §. XVIII.

Ulteriore nostræ Theseos assertionem petimus ex l. 59. in fin. ff. de furtis, ubi expressum, quod nostra potius inter sit rem retinere quam per actionem nobis consulere. *Finkelth, obs. 98. n. 34.* Facilius enim aliquid conservatur, & retinetur quam de novo acquiritur; & in retentione agitur de damno vitando, in acquisitione vero de lucro captando, ideoque illi magis favetur quam huic; unde & ministerio alieno nobis jura conservantur. *L. 15. ff. d. const. pec. l. 23. d. mortis causa donat. l. 24. ff. de Usuris.*

### §. XIX.

Aliæ autem rationes proposito nostro intervientes colligi poterunt ex iis, qui in nostram abierunt sententiam, inter quos merito referendi *Lauterb. in Coll. Theor. pract. Tit. d. Postul. §. 30. Carpzov. p. 2. c. 25. d. 23. Coler. d. Proc. Execut. p. 1. c. 2. n. 247. & seqq. VValth. de privil. Doct. c. 19. Nicolai Process. c. 6. n. 15. Brunnemannus ad l. 25. ff. d. Procurat. Laut. Comp. Juris p. 60. ibique Dn. Strykius, Excellentissimus latus Dn. D. Mencke*

*Mencke Disp. Proc. 4. Tit. 3. §. 10. n. 2.* Approbat præterea hanc retentionem sub prætextu residui salarii Camera, modo prius, Collegium Camerale suum interposuerit arbitrium *Blum. Proc. Cameral. Tit. X. n. 74.* Et quamvis Parlamentum Parisiense hac retentione uti non soleat (cujus ea de re gravitas a Gothofredo laudatur) illam tamen inferioribus judicibus & concessibus indulget, de quo apud *Gothofr. de sal. c. 13. §. 17. in fin.* citatus reperitur *Loiseau Lib. 1. des Offices. c. 8. n. 49. 50. 51.*

## §. XX.

Vidimus igitur hactenus potissimas ad thesin nostram illustrandam probationes, nunc ad ipsius ampliaciones memores ordinis nostri convertimur. Scilicet retentio illa, de qua nobis sermo est, non solum in Actis ipsis, verum etiam in instrumentis causæ & aliis Clientis Documentis (quæ ab Actis distincta sunt per *Bart. in l. in Fraudis. §. neque instrum. n. 5. de Jure Fisci. Breder. in loc. commun. ad Bart. h.*) locum obtinet. Imo in pecunia ab Adversario & ad Clientem spectante hoc remedio sibi consulere potest Advocatus: atque ita Amplifs. Facult. Jen. respondisse testatur *Richterius Consil. 496. n. 1. ibi.* Auch ehe solches von ihnen geschehen / seyd ihr euch auff allen Fall des Juris retentionis an den eingehobenen 200. fl. disffallß zugebrauchen wohl berechtigt *Mev. ad Jus Lub. l. 3. Tit. 8. art. 15. n. 7. 8. Et p. 6. Dec. 238. n. 3. 4. p. 2. dec. 150.* Extenditur etiam hæc retentio ad hæredes, nec injuria, tum quia hæc materia favorabilis, ut supra auditum, tum quod hæres ejusdem potestatis jurisque sit cujus fuerat defunctus juxta *l. 50. 62. ff. de Reg. Jur. Conf. Dn. Rivinus En. Jur. Tit. 2. En. 14. in Responsio.* Quod enim ibi de Actuaria dictum ob identitatem rationis huc quoque referendum putamus.

## §. XXI.



An autem cum fortean contingat, si Advocatus jure suo uti velit, acta vero apud eum casu fortuito sive vi ignis sive aquæ sive furum malitiâ pereant, nihilominus salarium suum adhuc a Cliente suo ingrato imo cum interesse moræ postulare queat, non immerito quaeritur. Quæstio affirmative decidenda venit, modo retinens debitam adhibeat diligentiam & ipse in mora restituendi non sit. Nam tum de se queri Clientes debent, quod non citius obtulerint honorarium, & damnum sentire non videntur, quod sua culpa sentiunt *l. 203. ff. d. R. 7.* atque ita decisum a Dn. Scabinis Hallens. in Causa D. Adolph Marckußens contra Hans Hermann Kogens Erben am 26. Jul. An. 1633. præjudicio confirmaverunt, quod cum apud paucos legatur, id in sequentibus sistimus: Habt ihr euch vorm Jahre mit Hans Herrmann Koge nunmehr seelig/ in eine Bestallung eingelassen/ und 3. Jahr auffgewartet/ als nun gedachter Hans Herrmann Koge verstorben/ haben dessen Kinder Vormündere euch solche Bestallung lösgelündigt/ welche Laße ihr willig angenommen/ weil euch aber an Bestallungs Geldern 90. Rthl. rückständig verblieben/ habt ihr die Schriftl. Bestallung/ und die bey euch habende Acta vor völliger Abfindung des Rests von euch zustellen Bedencken getragen. Worüber das Kriegs Wesen eingefallen/ und bey erfolgten jämmerlichen Excidio der Stadt Magdeburg alle eure Sachen/ und zugleich auch vorherührte Acta in Feuer auffgangen. Ob nun wohl die Kogischen Vormünder daher/ daß ihr euch des Juris retentionis gebraucht/ die restituende Bestallungs Gelder abzustatten sich nicht schuldig erachten wollen. Die-  

C

weil

weil aber ehe und zuvor euch die schuldigen 90. Rthl. bezahlet / ihr die Acta von euch zustellen nicht verbunden / sondern befugt gewesen euch des Juris retentionis zugebrauchen / und dahero nicht ihr / sondern die Vormünder in mora gewesen / und die Acta ohne euer Verursachen im Feuer verbraten / so haben euch die Kogischen Vormünder solchen Verlust zuzuschreiben keine Ursache / sondern seynd euch die restirende 90. Rthl. nebenst dem Interesse a tempore moræ ohne Verweigerung abzutragen schuldig B. R. W. add. Lang. Isag. c. 20. n. 147. Dn. Hartung Diff. cit.

## §. XXII.

Iuvat hicistam quoque examinare questionem, an in causa communi socius a socio salarium petere & per consequens acta retinere queat. Dubitandum itaque non est, in causa communi socium, qui simul Advocati munere fungitur, a reliquis sociis restitutionem expensarum petere posse, detracta tamen sua quoque rata, si causæ utilitas simul ad eum spectet; si nimirum advocatus in causa propria per modum interesse, & damni (quod in effectu idem est, licet nomine differat ab actione alias instituenda pro honorario) restitutionem expensarum ab adversario petere potest, quidni socio idem beneficium competere asseramus, cum patrocini præstatio a causa societatis sit separata, nemo quoque gratis laborem administret, cui accedit, quod alii Advocato, majorem vel ad minimum tamen eandem summam solvere debuissent, ut adeo socius merito extraneo in præstatione studii sit præferendus. Atque ita conclusum deprehendimus a Boerio in Decis. Burdeg. 210. in causa Dayrerat Advocato causæ pro cohærede Benedicto

nedicto Sylvestro ratione expensarum ob Arrestum impetratum in favorem cohæredum honorarium postulans. *Conf. Gail. Obs. 151. n. 20. & l. 18. ff. Locat. Carpzov. Tit. 24. art. 2.*

§. XXIII.

An autem retentio Actorum ratione expensarum & Honorarii, quæ nondum sunt liquida, sed potius in illiquido adhuc consistunt, procedat, silentio non est prætereundum. Et quanquam non una sit Doctorum sententia, dum alii, inter quos *Berlichius. p. 2. Concl. 32. n. 16.* affirmativam tuentur, alii autem in illiquido retentionem concedant, *Petrus Surdus Consil. 180. n. 15. Menoch. de recuper. posses. Remed. 11. n. 17. Schraderus de Feudis p. 2. sect. 2. n. 30.* modo mox liquidum fieri possit, merito tamen & hisce accedimus, Quotiescunque enim leges de hac retentione loquuntur, nulla fit mentio debiti liquidi, quod vel ex illis legibus, quæ de retentione propter expensas loquuntur aperte apparet, & tantum abest, ut semper expensæ liquidæ sint, quin potius illarum probatio sæpe difficillima sit *Roland. a Valle Consil. 28. n. 31.* Nec ad hoc ut res debitoris a Creditore retineatur, necesse est, ut debitum sit liquidum, quia retentio hæc non perimit debitum seu in totum tollit, sed ejus solutionem tantum urget, unde in solutionis termino liquidatio debiti discutienda, nec sub prætextu illiquidi res avocanda, hinc lege non distinguente, nec nobis est distinguendum *a. l. 8. d. publ. in rem act.* nec obstat *l. 5. ff. de stat. Lib.* utpote quæ in singularem libertatis favorem est recepta neque in consequentiam trahenda *l. 14. ff. de legibus. Consent. Ant. Faber in Cod. l. 3. T. 22. d. 15.*

Posteaquam in recensendis ampliacionibus occupati fuimus, e re fore existimamus, si ad Regulæ nostræ limitationes brevissimis quoque nos applicemus. Ubi est extra dubium cessare hanc retentionem, si Dominus honorarium in continenti solvit, nam oblata solutione reali, cessat jus retentionis. *Brunnem. ad l. 26. ff. de Procurat. Cessat (2.) in causa propria* (quæ est, quando emolumentum vel damnum ad aliquem suo nomine pertinet. *l. 1. §. 11. ff. quando appellandum Bœr. Dec. Burd. Dec. 210. n. 2. 3.*) ubi si Adversarius in expensas condemnetur, salarii nomine aliquid exigere non possunt *arg. l. 38. in f. loc. Bœr. Dec. 210. n. 3. Diff. Benj. de privileg. fœderum p. 3. c. 73. n. 4.* nisi fortean id petant per modum damni & interesse, si exempli gratia per negotium proprium tempore exclusus Advocatus alijs operam suam præstare non potuerit, & sic damnum ex patrocinio propriæ causæ passus fuerit, cum nemini officium suum debeat esse daninosum *l. 7. ff. Quemadm. Test. ap. Carpz. Proc. Tit. 24. art. 2. n. 16.* Recedit tamen ab hac sententia *Baldus in l. f. C. de fructibus & litis expensis*, & indistincte nihil præstandum esse arbitratur. Hæc retentio non habet locum (3.) si gratis alicui operam suam præstent Advocati, atque tunc non possunt petere sui laboris solatium. *cit. Bald. in l. f. C. de fructibus & litis expensis*, quod adeos aplicari posse videtur Advocos, qui publice sunt constituti, & propterea publicam quoque recipiunt remunerationem ex Fisco, qui tamen etiam non prohibentur a Cliente suo paupere, victoriam litis simulque pecuniæ summam reportante aliquid honoris ergo accipere posteaquam ad pingviorem pervenerit fortunam *Matth. Col.*

*Col. de. proc. Execut. P. 1. c. 2. n. 121. Gail. l. 1. Obs. 42. n. 11. seqq.*  
 Non procedit (4.) retentio Actorum si creditores concurrant *plures Fr. Muller pract. res. forens. Res. 53. Petr. Muller diff. de fav. sale. 3. Th. 3.* quia nimirum plures hic concurrunt, inter quos si unus vel alter ob salarium in mora constituitur, non statim coeteris præjudicio esse poterit *a. l. 74. § 155. ff d. R. 3.*

## §. XXV.

Denegatur communiter (5) retentio in Actis publicis, quæ exhiberi Magistratus, aut Reip. interest, non enim debet noceri alteri jus retentionis & potiorum publicæ utilitatis quam privatæ causam semper esse oportet. *L. 51. §. ult. ff. ad L. Aquil.* cui fundamento inhaerisse non solum videntur Domini Scabini Lipsienses in Responso an Siegfried Andreas Sohn zu Q. M. Ann. 1699. in verb: Welche retention iedoch anderer Gestalt nicht zu verstehen ist/ als soferne die Zurückhaltung der Acten dem gemeinen Wesen nicht schädlich fällt/ sondern woferne alleine das Präjudicium derer Partheyen/ welche die Gerichts-Gebühr noch nicht abgestattet / darunter versiret. *Dn. Rivinus Tit. 11. En. 14.* sed etiam in eo, quod in causa Joh. Ulmanns zu Döbeln Mense Martio 1622. pronuntiaverunt: scil. hat gedachter O. H. P. wegen des eingenommenen Geleits keine gewisse Bestallung mit euch auffgerichtet / nichts desto weniger aber Verheißung gethan sich gegen euch also zuerzeigen/ daß ihr mit ihm zu frieden seyn sollet; so ist er solcher Versprechung nachzukommen / und sich nachmahls mit euch zuvergleichen schuldig; Ihr seyd ihm aber die zu oberwehnten Geleits-Sachen gehörige / und bey euch noch verhandene

Acta vorzuenthalten / und auch des Juris retentionis zu  
gebrauchen gestalten Sachen nach / weil man derselben wegen  
des offnen Geleits stetigs benöthiget ist / nicht befugt.  
*W. R. W. Carpzov. p. 2. C. 15. Def. 23.* Dari tamen facile  
casus potest, maxime cum non semper interfit judicis, Acta  
penes se esse, neque publicum interesse propterea damnum  
patiatur, ubi Acta publica quoque, licet non in privatis ædibus  
retineantur, tamen in effectū pro retentis habentur, si pe-  
tam, adversarium non prius admitti a iudice, usque dum  
expensas solverit mihi adjudicatas & moderatas. Tunc Ju-  
dicis nullum adest interesse publicum, ego autem finem  
intendo. Allegatum itaque præjudicium loquitur de in-  
teresse publico & Principis, quod secus est, ubi duo privati  
ex causa privata se invicem conveniunt. Ubi Acta tamen  
judicialia publica nihilominus appellantur, ad differentiam  
privatorum vulgo *der Privat-Acten*.

### §. XXVI.

Fallit porro Retentio (6) in *Palmario*, per quod in-  
telligitur præmium seu donum, quod victoriæ causa datur  
*Hillig. ad Donell. Lib. 18. c. 3. Lit. H. b. b.* Exinde autem diver-  
sitas honorarii & *Palmarii* luculenta redditur, quod  
si quis Advocato suo legitimum salarium & si vicerit adhuc  
100. promiserit, licet in promissione vocabulo *palmarii* usus  
non sit, *palmarium* tamen dicatur *Farin. Pr. Cr. qv. 106. n. 43.*  
*seqq. 45.* & e contra si quis pro patrocinio & opera promisit  
Legitimum *palmarium*, non *palmarium* proprie sic dictum  
erit, sed salarium promissum censebitur. *a. L. fin. C. quæ res*  
*pignori oblig. possunt vel non.* Ut adeo recte describatur  
quod sit donum vel munus, quod Advocatis a Clientibus  
suis

suis victoriæ causa, extraordinaria gratitudine & Liberalitate exhibetur. *Laut. Diff. de Palm. Advocat. c. 1. Th. V. Diff. Tub. Vol. 1.* Et sicuti istud palmarium ex supra dictis distinctum est a salario & honorario, quippe quod advocatis debetur & præstatur non victoriæ causa & ex liberalitate atque extraordinaria gratitudine, sed pro opera & patrocinio, in cujus remunerationem & compensationem ejusdem quasi merces & pretium etiam si victoriæ palmam non reportaverint, sed causa ceciderint & succubuerint; Ita quoniam hoc palmarium a libera dependet Clientum voluntate, & in illorum arbitrio est, an, finita Lite, & victoria causæ impetrata patronis suis palmarium dare velint vel non, facile concludi poterit Advocatum ob palmarium non exsolutum retinere Acta vix posse, cum Victoria Advocati, provisum non habeat a lege salarium, *Lauterb. l. c. Th. 47. Gail. 1. Obs. 151. Magenhorst, in Comment. in Ord. Cum. Imp. p. 3. tit. 50.*

## §. XXVII.

Arcentur simili ratione (8.) ab hoc nostro juris remedio, qui nominatim de quota Litis, nomine salarii pactum iniverunt. Quale pactum existit, quoties ex ipsa re in litem deducta, suspensa lite, certam partem & societatem futuri emolumenti sibi paciscuntur & sic eventum litis *l. 6. §. ult. ff. mandati.* Qui enim in hoc delicto versatur legibus prohibito *l. 5. C. de post. l. 6. §. 2. C. cod. l. 7. ff. Mandati.* certe ex eo conditionem suam retentione, quæ favorem continet, meliorem reddere vix poterit juxta *l. 134. §. 1. ff. d. R. l. add. Gothofr. de Salar. c. 7. §. 4.* & ubi nulla vel invalida adest petitio, ibi nec retentio esse potest ab exemplo medici

medicorum ægroto de morbo paciscentis *l. 9. C. d. Profess. & Med.* eadem est ratio si fundorum nomine pascantur, his enim occurritur constitutione *l. 1. C. Theod. C. de post. vid. Cujac. Lib. 8. obs. 31. Gothofred. c. 3. §. 3. l. c. & Farinac. d. var. ac div. Crim. q. 106. n. 56. 57. 58.*

## §. XXVIII.

Quo vero tempore hæc nostra retentio admittenda videatur, an statim in ortulitis, an ea finita non inutiliter disquiritur? & primo quidem tenor pacti est inspiciendus, quod si non intervenerit, fori consuetudo *a. l. 34. de R. j.* hac non apparente, non nisi finita causa. *Speckh. Cent. 2. Cl. 4. qu. 43. Riccius. Coll. 179. Grat. discept. For. c. 56. n. 1.* Non enim debet peti salarium lite pendente *l. 6. §. 2. C. de postul.* sed dum peractis negotiis. *Plin. Lib. 5. Epist. ult.* post causam actam *l. 1. §. 12. ff. de extraod. cognit.* negotio gesto *l. 3. ff. de postul. Gothofr. c. 15. c. 2. all. Tr. d. sal.* In contrarium quidem adducunt *Gl. in l. Venditor 13. §. 1. ff. Commun. prad. l. un. C. de suffragiis* (de qua supra est actum) *l. 38. §. 1. ff. Locati l. Vlt. C. de Cond. ob causam datam rationemque* addunt, quod in salario Advocati concurrat legis cooperatio, & sapiat provisionem legalem, ideoque deberi ab initio, quomodo vero abutantur hisce Textibus Adversarii, & qua ratione in rem suam communiter concludant, solide demonstravit Gothofr. in *Tr. d. Sal. §. 2. c. 22. conf. Cavallos Comm. contra Comm. qu. 598.*

## §. XXIX.

Ulterius nec (10) retentioni locus est, si ea egestate Litigans laboret, ut non facile pecuniam explicare possit; neque



neque enim eam paupertatis suæ poenam pati debet; cautione tantum seu repromissione ab eo exacta uti post *Fabrum ad Cod. Tit. 2. de Sport. Lib. 3. def. 2. sentit Gothofr. d. Salar. c. 13. §. 17. in fin.* Neque (II) Acta amplius retineri queunt, sit tempus, quod exactiōni secundum cujusque regionis statuta positum est, præscribi passi fuerint Advocati. Sic Advocati in Gallia biennii præscriptione repelluntur *Gothofr. de Sol. c. 14. §. 2.* in Occitania quinquennio & in Sabaudia 6. mensibus præterlapsis, nihil petunt *Gothofr. in Not. ad l. cit.* Neque dubium est jure Saxonico si 31. annis sex septimanis & 3. diebus (quo tempore actiones regulariter præscribuntur) suum honorarium non peterent, quin remedio retentionis amplius non fruerentur, cum de se potius queri debeant, quod juri pro se introducto in tempore non invigilaverint *a. l. 24. ff. quæ in fraud. Cred.*

### §. XXX.

Explicatis nunc Theſeos nostræ limitationibus, in quibus Actorum retentio non concedatur; paucis adhuc perlustrabimus argumenta contradicentium, legesque, quæ in genere obſtare asserto nostro videbantur, ubi quidem primo statim intuitu sese offert *l. 4. C. de Commod. l. 5. C. in quibus causis pignus vel hypotheca*, in quibus textibus generaliter exprimitur, ne res pro alia retineatur. Dum vero sensus prioris Regulæ commodati materiam tractat, quod res ipsa commodata pro pecunia debita, Jure Compensationis, retineri nequeat ob rei commodatæ remanens dominium Actoris *l. 3. ff. Comm. & quoniam res commodata est reddenda in specie, allegata lex de diversa agens materia nostram non infringet sententiam l. 2. pr. ff.*

D

d. rcb.

*d. reb. cred. vid. Fincketh, in Obs. 98. n. 41.* Lex vero posterior ad jus retentionis non videtur producenda; Tantum enim ex ea lege colligitur tacitum pignus in non illatis & inventis in prædio rustico non consistere. Non enim pignoris nexu retinetur res, quæ non est obligata. Nec pignoris obligatio contrahitur citra conventionem extra eas causas, in quibus receptum est, vel aliqua lege aut statuto cautum, ut pignus vel Hypotheca tacite contrahatur. *Finckelth. l. c.*

§. XXXI.

Urgetur posthæc *Tot. Tit. C. ne quis in sua causa judicet*, nec non *l. 17. ff. de judiciis* ubi iniquum esse dicitur aliquem rei suæ judicem fieri. Imo nec potest quis judicis & partis personam sustinere, cum judicium suis ex partibus integrum non constet, nisi partibus ac judice discretis *arg. l. 13. §. 4. ff. ad solum Trebell. Consent. Gratian. in Discept. For. T. l. c. 56. n. 14.* quibus tamen Textibus facili responderi potest negotio, Rubrica quippe jam dicta agit de Casu, si quis per sententiam sibi ipsi jus dicat, in retentione autem id solummodo intenditur, ut rei controversæ denegetur omnimoda restitutio, usque dum plenariam satisfactionem consecuti simus, nec e nostra possessione prius dimittatur: atque ita retentio restitutionem rei tantum moratur, non denegat autem restitutionem in perpetuum, maxime cum hæc species executionis privatæ non tantum ex Regula Juris ortum trahat per *l. 25. ff. d. R. f. sed & retentio in pluribus casibus a legibus expressis & a nobis hinc & inde notatis & jure exceptionis competat tanquam res favorabilis add. l. 4. C. de Usuris* quæ deinde merito utiliter ad alios casus extenditur *l. 13. ff. d. Legibus.*

§. XXXII.

Qui autem materiam retentionis non esse favorabilem sed odiosam, eamque regulariter prohibitam, inter quos est *Medices de Compens. p. 2. qu. 28. n. 5.* asserunt, concludunt hinc, quod eam ob causam non veniat extendenda. Contrarium tamen supra ostendimus *vidl. 2. ff. de Except. l. 125. ff. d. R. 3. l. 91. §. 3. inf. ff. de Verb. Oblig. l. 38. ff. d. re jud. l. ult. C. de rei Vindicat.* neque attendi meretur, quando dicunt, instrumenta causæ non dari Advocato loco pignoris, sed ut videat, examinet, & ex iisdem sese informet *ex l. 8. ff. Mand. Doring. Bibl. 167. V. Adv. n. 601.* quibus tamen salvo nostro retentionis jure regeri potest cum *Finckelthufio*: hanc scilicet in lege allegata tractari quæstionem: Si Procuratori meo instrumenta causæ dederò ad peragendam litem, ille vero eadem mihi repetenti *absque justa causa* reddere nolit, an mihi ad repetitionem instrumentorum regulariter actio depositi, an vero mandati competat? & respondet *Ictus*: Procuratorem non ut depositarium, sed tanquam mandatarium conveniendum esse, rationem suppeditat duplicem *Finckelth. Obs. all. 98. n. 44.* (1.) Quia uniuscujusque contractus initium spectandum est, & hoc casu contractus mandati primus fuit. (2.) quia causa inspicienda est tradendorum instrumentorum. Causa autem illa fuit, non ut instrumenta apud Procuratorem deponerentur, aut ab eo custodirentur, sed ut Procurator iis uteretur in executionem mandati *l. 55. ff. Mandati.* Alia igitur est quæstio, si Advocatus Acta ob justam causam retineat, puta, quod ei salarium non exsolvatur. Hæc est exceptio a regula, quæ oritur ex æquitate, & tum actio mandati tamdiu suspenditur per jus retentionis donec

salarium fuerit persolutum. Inter dissentientes præter eos, quos jam notavimus est & Groenuegen ad l. 25. ff. d. Proc. in *Libr. de LL. abr.* Gratianus Discept. *For. Tom. IV. c. 618. ex l. 46.* ubi extat; Litis impendia. Petrus Mollignatus de retentione *Qu. 4. Bart. Socinus R. 243.* aliosque exhibet Schiffordegkher. *ab Aut. Fabr. l. 1. Tr. 1. de retent. Qu. V. pr.* qui solummodo hoc jus ad expensas restringunt, ubi tn. Dn. Brunemannus textus generalitatem moresque nostros aliud iudicare existimat. *Brunnem. ad l. 25. ff. de Proc.*

### §. XXXIII.

Et quanquam occasione hujus Materię affinia quædam, aliæque quæstiones in medium proferri potuissent, quo retentio Judici & Actuaria competens pertinuisset, de qua videas elegantissimum præjudicium apud *Dn. Rivinum En. 14. lb. 2. ut & Dn. Melichii dissert. d. sportulis. aph. 23.* Item. de Carceris Custode incarceratum pro expensis retinere volente de qua re vid. *Quido Papa qu. 448.* memores tamen non immerito fuimus Rubricę Theſeos nostrę de Advocati retentione solummodo agentis. Dumque hactenus nihil adhuc de speciali Themate hoc propositum invenerimus, licet in genere passim apud Ictos retentio tribus saltem verbis concedatur Advocato, eo majorem merebimur veniam a Lectore humanissimo, si non omnia ex voto deprehenderit. Sufficiat itaque de hac materia primas duxisse lineas, quas in hasce pagellas DEI gratia projectas & absolutas nunc exhibemus.

### ERRATA POTIORA,

- §. 1. 2. nibi p. [nihil, §. 7. l. 2. pr. XI. §. 22. postulans pro postulante  
§. 24. dam-num pro da-mnum. aplicari pro applicari.

### COROLLA-

## COROLLARIA,

**V**Alide petitur pecunia, quam quis ex ludo debet, quando de ista pecunia ex post facto transactum est.

Conductio, licet perpetua, non tamen transfert dominium.

Socius in conductione præfertur extraneo.

In Testamento inter liberos absque testibus, sola patris scriptura confecto, ne quidem legata ad pias causas subsistunt.

*Clarissimo Ornatisimoque*  
DN. RESPONDENTI

S. P. D.

*PRÆSES.*

**S**I non nativitatis locus studio-  
rumque quasi altera mater, ante  
decennium, utramque constituif-  
sent nobis patriam, aliæ tamen  
subessent causæ, quæ necessitatem  
Te amandi injungerent potius quam  
suaderent: Hæc vero tanquam ar-  
gumenta laudum exponere singula-  
ris pudor Tuus prohibet atque mo-  
destia. Agnoscit enim in Te, qui  
Te novit, Hilligerianam indolem,  
quæ, cum laudanda facit, laudari  
non vult, suaviusque in conscientiæ  
testimonio, quam aliorum, qua non  
get, commendatione acquiescit.  
Non solum itaque amore dignus,  
quia

quia Parentis illius esses filius, qui propter ejus summam in me benevolentiam, mihi eras amandus, qualicunque esses, sed quia illa, quæ Tua sunt, quæ nec natalibus nec fortunæ debes animi bona & ornamenta sic me capiebant, ut quibuscunque Parentibus, & quocunque loco lucem hanc aspexisses, non possem Te non amare. Lætor mirifice Te in illo studio, cujus hodie documentum edis, tanta contentione decurrisse, ut semper Tibi viderentur obversari Virorum summorum imagines, quæ Te ad summum invitarent decus quotidiano quasi incitamento. Ab horum vestigiis nunquam avertisti oculos, quos habebas semper intentos, sed ea prosequeris adhuc tanto studio, ut illorum decus videaris aliquando aut æqua-

æquaturus aut accessione nova cum-  
mulaturus. Gratulor itaque non  
immerito Prænobilissimo Parenti  
Tuo de tanti ingenii Filio, Ti-  
bi, de pulcherrimis procesibus in  
divinarum humanarumque rerum  
studiis, mihi denique cum pateris  
me Tuarum laudum quoddam quasi  
testimonium cernere. Et ne proli-  
xitas affectus epistolam reddat pro-  
lixiores illud addo. Si reliqueris Li-  
psienſe hoc Athenæum, abi faustis  
ominibus auguriisque, quo amplio-  
ris virtutis ſtudium Te vocat, digni-  
tatumque quibus natus, quibus vo-  
to deſtinatus, inſtrumenta Tibi  
para, Vale.

✠ ) o ( ✠

